

Remenbranco

(Parla dóu Lengadò, grafio de l'autour)

Me souvène toujours de la raubeta roso,
Que pourtaves galoia en un bèu jour de mai,
Semblaves un anjou, un fres boutoun de roso,
E pio de tis iols blus toujours me souvendrai.

La musica jougava un èr de contra-dansa
Semblave l'escouta, ère, ma fe, bèn las,
Soulet dins moun cantoun ère tout en transa,
Jalous de tis amigo e de toun cacalas.

Li vieis n'avien suivi longtèms la mema drailla,
Lou mema brés perfés nous avié vist dourmi ;
Entre nautris i' avié bèn souvent de batailla,
Te fasiéu un poutoun e restavians amis.

Erés uno manido e dins tou poulid lié,
Divagant is anjous fasiés perfés languetto,
Disputavés ta vido emé la malautié,
Te siés couchado infant e aro siés fenetto.

Pèr la proumièro fés mis iols semblon te vèire,
N'en recouneisse plus, ço qu'ai tant countempla,
E tus, me regardant, semblavés pas mé crèire,
Car nous sian bèn coumprés ensen sens nous parla.

Mis iols te disien t'aime e tis iols respoundien,
Aco es dounc vrai uno causo parièro?
Digo-me, o Janet, iéu aussi t'aime bèn
E la man dins la man seguiren la carrièro.

De pertout t'ai seguid' e fasiés pas un pas
Sens qué seguesse de la festo,
M'approumetié toujours mé té parlavé pas,
Qué me fasiés perdré la testo.

Au crousa di camin arrivèr' en retard,
Eme trop dé fisanço alor m'ère endourmi.
Erés passado. Aviés espéra jusqu'au tard,
E davans moun mudige alor aviés chousi..

Lou reveil n'en siguè belèu un pòu brutau,
Lou cor au desespèr, vouliéu fugid la vido.
E sènso lou voulé mé faguères bèn mau,
Lou cervel enfiouca e l'ama endoulentido.

E pio lou tèms amigo adoucis la malandra,
Lou trélus lou soulèu n'en fai de bèu matin,
Fai fleuri l'amelié, fai sibla la calandra,
Alor n'en siéu parti pèr un autre camin.

Mai toujours dins moun cor, frésca coum' uno roso
Demoraras ansind, toujours mé souvendrai,
De tis poulid iols blus, de ta raubetta roso,
Que pourtavés galoia, en un bèu jour de mai.
